



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 29. Albæ Dux in Campania Romana Victor.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

„justum, & dignitati suæ, ac Sacræ Sæcul XVI.
 „Sedi conveniens sit, constanter tuea- A.C. 1556.
 „tur. De cetero autem hujus rei suc-
 „cessum Divinæ voluntatis nutui relin-
 „quere vult, cum a Deo gregem Christi
 Domini pascere constitutus est.

§. XXIX.

Albæ Dux in Campania Romana victor.

Exceperat Albæ Dux Nerium cum
 ingenti animi sui moderatione, cum
 vero Papam ob prompti auxilii e Fran-
 cia adventantis spem arrogantius re-
 spondisse existimaret, hinc die decima
 quarta Septembris bello initium fecit,
 moxque Pontem-Corvum, seu Fregel-
 las ad Lyrin, ceterasque urbes totius
 Provinciæ, quæ *Terra Laboris* appel-
 latur, deditioe cepit, promotisque
 castris in Ecclesiæ ditiones irruit, ac
 Verulum præmisit Garfiam Toletanum,
 ubi Fabianus, & Laurentius Perusinus
 cum duobus militum vexillis ca-
 stra metabantur, cum vero hujus ur-
 bis præsidarii sese dedere recusarent,
 Dux admotis belli tormentis oppidum
 vi cepit, militesque armis suis spolia-
 vit: Vespasianus Gonzaga vero Baucum
 missus Joannem Vasconem Florentinum,
 & Thomam Camertem cum cohortibus
 suis oppressit: his factis Albanus Ana-
 gniam

*Pallav. c. 19.
 & 20.
 Thuan. l. c.*

Sæc. XVI.
A.C. 1556.

gniam versus exercitum promovit, & Privernum, Terracinam, Acutium, Fumonium, Ferentinum, & Aletrium ultro deditione facta in suam potestatem redegit: interim majus in Anagnia capienda negotium fuit, in quam Caraffa Cardinalis, qui exeunte Mense Augusto e Galliis profectus Mense Septembri Romam venerat, Torquatium Contium, seu Comitem cum mille trecentis peditibus Italis immiserat.

Ergo obsidio toto armorum apparatu inchoatur: ast præsidiarii nocte insequenti, quæ in decimam quintam octobris diem incidebat, clam cum Duce suo per vallem, quæ Acutium ducit, summa celeritate paucis amissis elapsi sunt; mane autem facto, cum Hispani vacua defensoribus mænia conspicerent, haud jussi irrumpunt, & oppidum diripiunt.

Ceterum Cardinalis Caraffæ adventus, necnon pecuniæ, quas secum deferebat, Papam solabantur, eo potissimum nomine, quod brevi etiam Strozzius, & paulo post Mont-Lucus cum Vasconibus, ac Gallis militibus, qui in Etruria castra posuerant, adventassent, fidemque Pontifici fecissent, quod intra exiguum temporis spatium copiosus in Italia exercitus ductore Guisio Duce conspiciendus esset.

§. XXX.